

www.BibleForChildren.org


मत्ती 26




फिर यीशु फसह
तिवार से छे दिन पैयले
बैतनीय्याह मे आयो,
झा लाजर थो. जेखे यीशु ने
मर्या हुया मे से जिन्दो लायो थो.
तब मरियम ने जटामासी को आधो सेर
बहुमूल्य अत्रर लीखे यीशु का पाय पर डाल्यो,
अरु अपना बालहोन से ओका पाय पोछ्या, अरु
अत्रर की सुगध से घर सुगन्धित हूइ गयो.



अरु यहूदा इस्करियोती जो बारा मे से एक थो महायाजक का पास
गयो कि ओखे उनका हात मे पकडय दे. अरु जब उनने यो सुन्यो ते
खुस हुया, अरु ओने पैसा देन को वचन
दियो. अन्नत मे वू यो सोचन
लगयो की वोखे कसो पकडय दिव.



सेवक होन ने यीशु की आज्ञा मानी, अरु फसह तैयार कऱ्यो. जब वे खय रा था, ते यीशु ने रोटी ली, अरु धन्यवाद मागीखे तोडि, अरु सेवक होन खे दीखे बोल्यो, “ले, खा. यो मरो आंग हइ.” फिर ओने कटोरो लीखे परमेश्वर को धन्यावाद कऱ्यो, अरु उन खे देखी खे बोल्यो, “तुम सब येमे से पीनु, क्युकी यो वचन को मरो उ खुन हइ, जो भोतजन का लिये पाप की माफी का लिये बोहायो जास हइ.”



“शमौन. हे शमौन सैतान ने तुम दुन्या खे मागी लियो हइ कि गहु का जसो फटीखे. पन मे ने तरा लिये प्रार्थना करी. कि तरो विश्वास जातो नी न्हे अरु जब तू फिर ते अपना भैइहोन खे रोखनु करणु.”
यीशु ने उनका से बोल्यो, हे प्रभु मी तरा सात बन्दीगृह जान क्युकी मरन खे भी तैयार हय. ओने बोल्यो हे पतरस मी तरासे बोलुस हय कि आज मुर्गा बांग देना जब तक तु तीन बार मरो इन्कार नी कर लिह्यो कि मी ओखे नी परछानु.



तब यीशु ने अपना सेवक होने का सात गतसमनी नामका एक जगा मे आया अरु अपना सेवक होने से बोलन लग्यो "ह्या बठ्या ज़े, जब तक की मी व्हा जयखे प्रार्थना करुस." अरु बोलन लगीगो, "हे पिता हे, बाप तरा से तरा सब कुछ होस हइ.यो कटोरा खे मरा पास से दुर करी ले फिर भी जसो मी चाउस हइ वोसो नी, पर जो तू चाहस हइ वोसो हो."



तब यहूदा सैना-दल का अरु प्रधान याजकहोन अरु फरीसीहोन का तरफ से सेवकहोन खे लीखे दीयाहोन अरु मशालहोन अरु हथियारहोन खे लिया हुया व्हा आयो. अरु उनमे से एक ने महायाजक सेवक पर तलवार चलखे ओका जवनो टी दियो. येका पर यीशु ने बोल्यो. “अब बस कर.” अरु ओको न छीखे अच्छो कन्यो.



फिर वे ओखे पकडीखे ली चल. अरु महा याजक का घर मे लायो
अरु पतरस दुर मे दुर ओका पिच्छे चल्यो थो. अरु जब वे अंगन मे
अंगार लगय खे येकजगा बठ्या.


ते पतरस भी उनका
बिच मे बठी गयो.




महायाजक का सेवकहोन
मे से एक जो ओका कुटुब मे से थो,
जोको कान पतरस काटी डाल्यो थो,
बोल्यो, “का मेने तोखे ओका साथ बाडी
मे नी देख्यो थो?” पतरस फिर इनकार
करी गयो अरु जल्दी मुर्गा ने बांग दी.
अरु व्हा बाहेर नीकलीखे फुटि फुटि
खे रोन लग्यो.




तब सब सभा उठीखे ओखे पिलातुस का पास
ली गया. पिलातुस ने यीशु से पुछ्यो “तु
यहूदीयाहोन को राजो हइ?” यीशु ने उत्तर
दियो. तू खुद मे बोली रोस हइ. पर पिलातुस
ने यीशु खे छोडन कि इच्छा
से दुन्या खे फिर समजायो.
पर उनने चिल्लयखे बोल्यो.
“ओखे क्रुस पर चडा. क्रुस पर!”




तब ओने ओखे उनका हात सौप दियो
ताकि उ क्रुस पर चढायो जाये. तब वे
यीशु खे ली गया अरु उ अपनो क्रुस
उठायो हुया उ जगा तक बाहेर गयो जो
“खोपडी कि जगा” बोलस हइ अरु इब्रानी
मे “गुलगुता.”



व्हा उनने ओखे अरु उ ओका साथ अरु
दो इन्सानहोन खे क्रुस पर चढायो,
एक खे इधर अरु एक खे उधर, अरु
बीच मे यीशु खे.



अरु सुरज को प्रकाशन जातो न्हियो. अरु मन्दिर को परदा का बिच
मे से फटी गय. अरु यीशु ने बड अवाज से बुलय खे बोल्यो.
“हे बाप मी अपनी आत्मा तरा हात मे दिउस हय.”
अरु यो बोलीखे जान छोडी दियो.



अरिमतियाह का ज़ेन आलो यूसुफ आयो,
जो सभाको एक प्रतीष्ठीत थो. उ खुद
परमेश्वर का राज्य की रस्ता देखी
रोथो ओने हिम्मंत करीखे
पिलातुस का आगे जय खे
यीशु की लास मागी.
तब यूसुफ ने मलमल
को कपडा मोल लियो
अरु लास खे उतारी

खे ओमे गुंड्यो, अरु पत्थर
आली जगा मे एक कब्र खोदी
गइ थी, अरु एक कब्र का
दरवाजा पर एक पत्थर
गन्डलैइ दियो थो.



आराम को दिन जो तैयारी का दिन का बाद को
दिन थो, प्रधान याजकहोन अरु
फरीसीहोन ने पिलातुस का
पास जमा हुइखे बोल्यो.
हे स्वामी, हमखे याद हइ,
की उ भरमानआला ने
अपना जीते जी बोल्यो
थो, की मी तीन दिन
का बाद जिन्दो हुयु.



आखरी मे वे चोकीदारहोन खे सात मे ली
गया, अरु पत्थर पर एक नीशान
लगयखे कब्र खे पुरी रिती
से सुरक्षित बन्य दी.




आराम का दिन का बाद हप्ता को पयलो दिन
जब फजर हुइ ङ्ही थी, मरियम मगदलीनी
अरु दुसरी मरियम कब्र खे देखन
अय. तब एक बडो भुकम्प हुयो,
क्युकी परमेश्वर को एक दूत
स्वर्ग से उतऱ्यो, अरु पास
अयखे ओने पत्थर खे
लुडक्य दियो, अरु
ओका पर बठी गो.


ओका डर से पहरेदार कब्र
उठ्या, अरु मऱ्या का
जसा हुय गया.



स्वर्गदूत ने बयहोन से बोल्यो, “मत डर, मी जानुस हइ की तुम यीशु खे जो क्रुस पर चेढायो गयो थो ढुढस हइ. उ ह्या नी हइ, पन अपना वचन का जसो उ जिन्दो उठ्यो हइ. आख या जगा खे देख कि झा प्रभु खे रख्यो गयो थो.”




अरु वे डर अरु बडा आनन्द का सात कब्र से झल्दी
लोटिखे ओका सेवक होन खे समाचार बतान
का लिये भागी गय. तब, यीशु उनखे
मील्यो अरु बोल्यो, “सुख से ङ्हे” अरु
उनका पास अयखे अरु ओका पाय
पकडीखे ओखे प्रणाम कऱ्यो.



पीछे वे ग्यारा सेवक खे भी जब वे खानो खान खे बठ्या था दिखय
दियो अरु अविश्वास, अरु मन की कठुरता पर डाट्यो क्युकी जेने ओखे
जिन्दो होना का बाद देख्यो थो इन्हे उनको विश्वास नी कर्यो थो.
अन्नत मे जब प्रभु यीशु ओका से बात करी चुक्यो, थो वु स्वर्ग मे उठय
लियो गयो, अरु परमेश्वर का जवना बाजू बठी गयो.



क्युकी परमेश्वर ने जगत से असो प्रेम रख्यो कि
ओने अपनो एकलौतो बेटो दि दियो, ताकि जो
कोय ओ पर विश्वास कर्येका उ नाश नी
हुइ खे पर अनन्त जिवन पाये.



रोमीयो 3:23 येकालिये कि सब ने पाप कऱ्यो हइ अरु परमेश्वर कि महिमा से ङ्हेस हइ,

रोमीयो 6:23 क्युकी पाप की मजुरी मरनो हइ, पन परमेश्वर को वरदान हमारो प्रभु मसीह यीशु मे आखरी जिवन हइ.

इब्रानीहोन 9:27 अरु जसो इन्सान का लिये एक बार मरनो अरु ओका बाद न्याय को होनो नीयुक्त हइ,

इपिसियो 2:8,9 क्युकि अनुग्रह ही से, विश्वास का वजेसे तुम उध्दारमील्यो हुयो हइ. येका करण तुम नी, यो परमेश्वर को वरदान हइ अरु यो काम होन को प्रतीफल नी हइ कि कोय घमण्ड कऱ्ये.

रोमीयो 10:9,10 की अगर तु अपना मुडा से यीशु खे प्रभु जानी, अंगीकार कर्हे अरु अपना मन से विश्वास कर की परमेश्वर ने उ मरन हुयो मे से जलायो, ते तु स्वतत्रता कर्यो जाये. विश्वास करणा से हम परमेश्वर कि धार्मीकता का सात सही रिस्ता मे से आस हइ अरु उध्दार मुडा से कबुल करणा से मुक्ती पास हइ.



यहून्ना 3:16,17 क्युकी परमेश्वर ने जगत से असो प्रेम रख्यो कि ओने अपनो एकलौतो बेटो दि दियो, ताकि जो कोय ओ पर विश्वास कर्येका उ नाश नी हइ खे पर अनन्त जिवन पाये. परमेश्वर ने अपना बेटा खे दुन्या मे येका लिये नी भेज्यो, कि जगत पर दण्ड की आज्ञा दे, पर येका लिए कि दुन्या ओका वजेसे उध्दार पाये.

1 यहून्ना 5:11-13 अरु वा गवइ या हइ कि परमेश्वर ने हम खे अनन्त जिवन दियो हइ, अरु यो जिवन ओका बेटा मे हइ. जेका पास बेटो हइ, ओका पास जिवन हइ अरु जेका पास परमेश्वर को बेटो नी, ओका पास जिवन भी नी. मे ने तुमखे जो परमेश्वर का बेटा का नाम पर विश्वास करस हइ येका लिये लिख्यो हइ कि तुम जाननु कि अनन्त जिवन तुम्हारो हइ.



मत्ती 26-28; लूका 22-24; यहून्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Gowlan Bible (goj) ©The Word for the World International
and Gawlan Translation Samiti, Telkhar,
Maharashtra, India, 2025.

<https://www.bible.com/bible/4050/MAT.1.GNN25>

©2026 Bible for Children, Inc.

www.M1914.org

www.bibleforchildren.org

